



An Roinn Cosanta
Department of Defence




**Óglaigh
na hÉireann**
DEFENCE FORCES IRELAND

Ráiteas
Straitéise
na Roinne
Cosanta
agus Óglaigh
na hÉireann

2017-2020

An Taoiseach agus an tAire Cosanta

I mo ról mar Thaoiseach agus Aire Cosanta, cuirim fáilte roimh fhoilsiú an Ráiteas Straitéise seo ina dtugtar creat straitéiseach d'obair thábhachtach na Roinne Cosanta agus Óglaigh na hÉireann le haghaidh na dtrí bliana atá romhainn. Mar a bhí amhlaidh sa Ráiteas Straitéise roimhe seo, aidhm lárnach nach mór a bheith i gceist leis ná déanamh cinnte go mbeidh sé ar chumas ag an Eagraíocht Chosanta fós a Sprioc Ardleibhéil a bhaint amach agus gach ról a chomhlíonadh a shann an Rialtas di. Cuireann an Páipéar Bán ar Chosaint creat beartais Cosanta ar fáil i gcónaí suas go dtí 2025 agus bhí sé mar bhonn eolais do chuid mhór de na spriocanna, cuspóirí agus gníomhartha straitéiseacha atá ainmnithe sa Ráiteas Straitéise seo. Sa deireadh, ba mhaith liom aitheantas a thabhairt d'obair agus d'iarrachtaí crua na mball foirne go léir sa Roinn Cosanta agus in Óglaigh na hÉireann agus táim ag tnúth lena léiriú leanúnach ar na caighdeáin is airde de Sheirbhís Phoiblí.





Leo Varadkar T.D.
An Taoiseach agus an tAire Cosanta

An tAire ar a bhfuil Freagracht as Cosaint

Sa Ráiteas Straitéise seo a chlúdaíonn an tréimhse 2017 go 2020 leagtar amach Sprioc Ardleibhéil na Roinne Cosanta agus Óglaigh na hÉireann agus féachtar chuig leanúint ar aghaidh leis an obair dhearfach a rinneadh tar éis gur foilsíodh an Páipéar Bán ar Chosaint. Sa Pháipéar Bán leagadh amach creat cuimsitheach beartais le haghaidh na tréimhse suas go 2025 agus, i dteannta leis an gClár um Rialtas Comhpháirtíochta bhí sé sin ina fhachtóir lárnach in aithint tosaíochtaí i gcaitheamh na dtrí bliana atá romhainn. Freisin, tógann an Ráiteas Straitéise seo ar an dul chun cinn mór atá déanta cheana féin maidir le cur i bhfeidhm an Pháipéir Bháin agus táim ag tnúth le bheith ag obair i ndlúthpháirt leis an Ard-Rúnaí, leis an gCéann Foirne agus lena gcuid comhghleacaithe sibhialta agus míleata, a mbeidh a gcuid iarrachtaí i dteannta a chéile ag teastáil chun cinntiú go leanfar ar aghaidh ag comhlíonadh spriocanna agus cuspóirí.






Paul Kehoe T.D.
An tAire ar a bhfuil Freagracht as Cosaint

Ard-Rúnaí & Céann Foirne


Cuirimid fáilte roimh fhaomhadh an Ráiteas Straitéise seo ina dtugtar creat straitéiseach d'obair na Roinne Cosanta 'Óglaigh na hÉireann le haghaidh na dtrí bliana amach romhainn. Tá struchtúr uathúil sibhialta/míleata ag an Roinn agus tá an brainse míleata agus an brainse sibhialta araon freagrach as an Ráiteas Straitéise seo a chur i bhfeidhm. Déanfaidh an Coiste Bainistíochta Straitéisí maoirseacht ar chur i bhfeidhm ar bhonn leanúnach. Éascaíonn an cur chuige sibhialta/míleata seo próisis phleanála gnó sa Roinn Cosanta agus in Óglaigh na hÉireann laistigh de dhearcadh coitianta de chuspóirí, spriocanna agus gníomhartha straitéiseacha a aithníodh sa Ráiteas Straitéise seo. Is í an aidhm atá i gceist le haghaidh na mblianta amach romhainn ná déanamh cinnte go leanfar ar aghaidh ag freastal ar riachtanais an Rialtais i ngach ról a sannadh.





Maurice Quinn
Ard-Rúnaí





Mark Mellett-DSM
Leasaimiréal
Céann Foirne

Brollach

Tá an Ráiteas Straitéise seo déanta suas de na gnéithe sibhialta agus míleata den Roinn Cosanta agus d'Óglaigh na hÉireann agus leagtar amach Sprioc Ardleibhéil coitianta ann:

Soláthar do chosaint mhíleata an Stáit, cur le síocháin agus slándáil náisiúnta agus idirnáisiúnta agus gach ról eile arna shannadh ag an Rialtas a chomhlíonadh.

Cuimsíonn an Sprioc Ardleibhéil seo trí Ghné Straitéiseach leathan: Beartas Cosanta; Cinntiú gur féidir Beart a Dhéanamh de réir ár mBriathair; agus Aschuir Oibriúcháin Óglaigh na hÉireann. Faoi gach Gné Straitéiseach, aithnítear roinnt Spriocanna Straitéiseacha agus is as na spriocanna sin a n-eascraíonn na Cuspóirí agus Gníomhartha tosaíochta aitheanta a thabharfar fúthu i gcaitheamh na tréimhse 2017 go 2020.

Agus an Ráiteas Straitéise seo á fhorbairt, reáchtáladh cruinniú le Comhchoiste an Oireachtais ar Ghnóthaí Eachtracha agus Thrádáil, agus Chosaint agus freisin chuathas i gcomhairle le Cumainn Ionadaíochta Óglaigh na hÉireann agus le baill foirne ar fud na hEagraíochta Cosanta¹.

Sainordú

I mBunreacht na hÉireann dílsítear an ceart chun fórsaí míleata nó armtha a thógáil agus a choimeád san Oireachtas amháin agus cuireann sé dianchosc ar thógáil agus choimeád aon fhórsa míleata nó armtha eile do chuspóir ar bith. Dílsíonn sé ardcheannas Óglaigh na hÉireann san Uachtarán agus foráiltear ann go mbeidh cleachtadh an cheannais sin rialaithe ag an dlí. Tá an reachtaíocht rialála sna hAchtanna Cosanta 1954-2015, ina bhforáiltear go gcleachtfaidh an Rialtas tríd an Aire Cosanta agus ag an Aire, ceannas míleata Óglaigh na hÉireann agus na cumhachtaí feidhmiúcháin agus riaracháin a bhaineann le hÓglaigh na hÉireann, agus an chumhacht ceannas agus údarás a tharmligean san áireamh. De réir an dlí tá an tAire Cosanta ina gceannaire ar an Roinn Cosanta freisin agus tá an tArd-Rúnaí ina “bpríomhoifigeach” ar an Roinn agus freisin ceaptar ag an Aire Caiteachais Phoiblí agus Athchóirithe é mar an Oifigeach Cosanta le haghaidh an chaiteachais chosanta go léir. Is é Ceanncheathrú Óglaigh na hÉireann (DFHQ) an ghné mhíleata den Roinn Cosanta, a bhfuil an Ceann Foirne, atá ina bpríomhchomhairleoir míleata don Aire, ina gceann uirthi.

De réir an Ordú Cosanta (Tarmligean Feidhmeanna Aire) 2017, rinne an Rialtas cumhachtaí agus dualgais sannta a tharmligean de chuid an Aire Cosanta don Aire Stáit sa Roinn Cosanta, Paul Kehoe TD.

An Páipéar Bán ar Chosaint²

Sa Pháipéar Bán ar Chosaint, a d'fhaomh an Rialtas i mí Iúil 2015, cuirtear an creat beartais chosanta ar fáil go dtí 2025. Mar gheall ar nádúr dinimiciúil na timpeallachta slándála, tá an creat beartais seo, trína bhforáiltear go leanfaidh Éire ar aghaidh lena beartas neodracha míleata, solúbtha agus freagrúil, agus cuireann sé ar chumas na hEagraíochta Cosanta í féin a chur in oiriúint do chúinsí athraitheacha. I dteannta le soláthar do chosaint an Stáit ó fhorrántacht armtha, cuimsíonn

2. <http://www.defence.ie/WebSite.nsf//WP20151b>

na ról atá sannta soláthar leanúnach tacaí don Gharda Síochána, agus an ról cosanta sa tsíocháin agus sa slándáil ar fud an domhain agus an ról cosanta i móréigeandálaí agus i dteagmhasachtaí sibhialta. Gné lárnach den Pháipéar Bán ná an measúnú ar an timpeallacht gheopholaitiúil agus slándála intíre a bhí mar bhonn don fhreagairt beartais chosanta agus do cheanglais bheartais eile atá leagtha amach, agus a chuir, faoi seach, le comhdhlúthú na gceanglas sin i ról athbhreithnithe do na Buan-Óglaigh agus do na hÓglaigh Chúltaca (RDF).

Leagtar amach sa Pháipéar Bán freisin prionsabail lárnacha maidir le forbairt cumas, forbairt an RDF agus Cosanta Sibhialta amach anseo, agus cuirtear béim láidir ar forbairt acmhainní daonna na hEagraíochta. Déileáiltear le cur i bhfeidhm an Pháipéir Bháin freisin agus, ó foilsíodh é, aithníodh 88 dtionscadal ar leithligh le cur i gcrích thar thréimhse deich mbliana, agus bunaíodh Comhfhóireann Éascaithe um Chur i bhFeidhm an Pháipéir Bháin chun tacú le dul chun cinn na dtionscadal sin de chuid an Pháipéir Bháin agus maoirseacht a dhéanamh ar a ndul chun cinn.

An Clár um Rialtas Comhpháirtíochta 2016

Maidir le Cosaint, sa Chlár um Rialtas Comhpháirtíochta ar aontaíodh air i mBealtaine 2016 aithníodh 14 ghealltanais ar leithligh, a bhfuil cuid mhór acu ag forlúí le tionscadail reatha de chuid an Pháipéir Bháin agus atá léirithe sna Cuspóirí agus sna Gníomhartha éagsúla atá aitheanta sa Ráiteas Straitéise seo. Tá sonraí faoi na 14 ghealltanais sonracha atá cuimsithe sa chlár agus ar sannadh do Chosaint cuimsithe san Aguisin, i dteannta le sonraí faoi ghealltanais eile arna ndéanamh a bhfuil ról ag Cosaint iontu.

Maoiniú Cosanta

Cuirtear cistiú cosanta ar fáil ar bhonn bliantúil trí dhá leithdháileadh ar leithligh: Vóta 35 (Pinsin Airm) agus Vóta 36 (Cosaint).

Déantar soláthar sa Vóta Pinsin Airm um íocaíocht shochair phinsin do bhaill foirne míleata scortha agus do chleithiúnaithe áirithe. Dá bharr sin, tá an Vóta neamhroghnach agus bunaithe ar éileamh. Bíonn sochair aoisliúntais – sochair scoir agus cnapshuimeanna aon uair amháin freagrach as 95% den chaiteachas go léir ar phinsin mhíleata. Caitear an méid eile ar phinsin míchumais mhíleata agus sochair choimhdeacha eile. Ba é ollmhéid an leithdháilte faoi Vóta 35 le haghaidh 2017 ná €229m agus is é leithdháileadh an Bhuiséid le haghaidh 2018 ná €239m.

Déantar soláthar do chaiteachas caipitil agus reatha araon sa Vóta Cosanta agus i 2017 ba é ollmhéid an leithdháilte ná €692m agus soláthar déanta do leithdháileadh buiséid de €707m le haghaidh 2018. Sa Pháipéar Bán ar Chosaint 2015 cuirtear an cur chuige beartais i dtreo infheistíochta ar fáil, cé go gcuimsíonn an Plean um Chaiteachas Caipitil 2018-2021 soláthar Cosanta de €416m. Úsáidtear an ghné caipitil de Vóta 36 chun trealamh míleata a cheannach agus a uasghrádú, um oibreacha riachtanacha tógála agus cothabhála, agus um thionscadail TFC.

Trasghearradh le Ranna agus Gníomhaireachtaí Eile

Tá gnéithe tábhachtacha tras-rannacha ag baint le hobair na hEagraíochta Cosanta agus is minic go mbíonn ionchuir agus comhar Ranna agus Gníomhaireachtaí Stáit eile ríthábhachtach chun go n-éireodh linn ár gcuid Spriocanna agus Cuspóirí a bhaint amach. Ar an gcaoi chéanna, féadann a gcuid ratha bheith ag brath ar

ionchuir agus chomhar na Roinne Cosanta agus Óglaigh na hÉireann. Tá ionadaithe ag oifigigh Roinne agus baill foirne Óglaigh na hÉireann ar roinnt grúpaí agus coistí idir-rannacha a dhéanann breithniú ar réimse saincheistanna trasghearrtha a mbíonn tionchar acu ar an Rialtas. Tugtar cuntas thíos ar chuid de na caidrimh leithne sin.

Léirítear sa Pháipéar Bán an tábhacht a bhaineann le cuir chuige uile-rialtais i dtreo shlándáil an Stáit. Sa chomhthéacs sin, leanfaidh an Roinn Cosanta ar aghaidh ag comhoibriú le raon Ranna agus Gníomhaireachtaí a bhfuil freagrachtaí slándála orthu. Cuimsíonn an comhoibriú sin comhoibriú faoi choimirce an Choiste Caibinéid F Slándáil Náisiúnta agus Tascfhórsa an Rialtais ar Phleanáil Éigeandála. Cuireann comhar méadaithe ó thaobh pleanála, feasacht faoi chumas, agus comhchleachtadh le cur chuige níos láidre agus níos cuimsithí i dtreo bagairtí slándála don Stát a mhaolú.

Tá an Roinn Gnóthaí Eachtracha agus Trádála ina comhpháirtí straitéiseach lárnach a mbeidh dlúthchaidreamh oibre éifeachtach ag an Eagraíocht Chosanta leis fós sna réimsí Coimeád Síochána na NA; an Beartas Slándála Náisiúnta; Dí-armú; Neamhiomadú agus Rialú Arm; agus Forbairt Inbhuanaithe. Cuirfidh an Eagraíocht Chosanta le cur i bhfeidhm na gCuspóirí Forbartha Inbhuanaithe agus na spriocanna ábhartha, mar atá leagtha amach i gClár Oibre 2030 um Forbairt Inbhuanaithe. Leanfaidh an Eagraíocht Chosanta ar aghaidh freisin ag glacadh páirte sna grúpaí idir-rannacha atá dírithe ar Rún 1325 ó Chomhairle Slándála na Náisiún Aontaithe trí dhara Phlean Gníomhaíochta Náisiúnta na hÉireann ar Mhná, Shíocháin agus Shlándáil.

Rinne an Eagraíocht Chosanta ceannródaíocht ar úsáid MTanna agus CLSanna a chlúdaíonn seirbhísí a thugtar do réimse Ranna agus Gníomhaireachtaí Rialtais. Bíonn siad siúd sainithe agus d'fhéadfadh go mbeadh spriocanna aschuir sonracha d'Óglaigh na hÉireann ina measc. Leanfaidh an Roinn ar aghaidh ag forbairt an chreata sin áit is cuí.

Leanfaidh an Oifig Pleanála Éigeandála (OPÉ) ar aghaidh ag tacú leis an Aire Cosanta ina ról mar Chathaoirleach Thascfhórsa an Rialtais ar Phleanáil Éigeandála agus, áit is cuí, leanfaidh an oifig sin ar aghaidh ag tabhairt cúnaimh le linn éigeandálaí/géarchéimeanna do Ranna ceannais an Rialtais agus ag glacadh páirte i gcleachtaí struchtúrtha idirghníomhaireachta.

Cé gurb í an Roinn Cumarsáide, Gníomhaithe ar son na hAeráide agus Comhshaoil a bhfuil an ról ceannasach aici ó thaobh cibearshlándála, tá an Eagraíocht Chosanta tiomnaithe chun páirt a ghlacadh i soláthar beart chun feabhas a chur ar chibearshlándáil an Stáit, mar a beartaíodh sa Straitéis Cibearshlándála d'Éirinn a d'fhaomh an Rialtas i 2015.

Ó thaobh soláthair, leanann an Eagraíocht Chosanta ar aghaidh ag díriú ar an bhféidearthacht um chomhar feabhsaithe amach anseo i ngníomhaíochtaí comhsholáthair ag an Defence Category Council, a oibríonn faoi choimirce na hOifige um Sholáthar Rialtais, agus a ndéanann an Roinn Cosanta cathaoirleacht uirthi agus ina bhfuil ionadaíocht ag baill foirne atá freagrach as soláthar ón nGarda Síochána agus ó Sheirbhís Príosún na hÉireann.

Leanfaidh an Roinn Cosanta ar aghaidh ag obair le hOifig an Ard-Aighne chun déanamh cinnte go gcríochnófar obair laistigh de chreat daingean dlíthiúil agus bunreachtúil. Déanfaidh an Eagraíocht Chosanta níos mó forbartha ar an gcaidreamh dearfach atá againn le hOifig Ombudsman Óglaigh na hÉireann.

Tá ról lárnach le glacadh ag an Eagraíocht Chosanta sa chlár Deich mBliana na gCuimhneachán agus leanfaidh sí ar aghaidh ag obair leis an Roinn Cultúir, Oidhreacht, agus Gaeltachta i dtreo déanamh cinnte go reáchtálfar clár cuimhneacháin rathúil, lena n-áireofar ról i searmanais stáit agus bainistíocht thionscadal an Bhailiúchán Pinsean Seirbhíse Míleata (1916-1923).

Leanfaidh an Roinn Cosanta ar aghaidh ag tacú le caidreamh ag Cosaint Shibhialta le húdaráis áitiúla, agus le soláthar leanúnach tacaíochta do Chosaint Shibhialta, faoin gCreat um Bainistiú Móréigeandálaí, thar réimse teagmhas éigeandála.

Comhpháirtíocht, Réiteach agus Eadráin, agus an Beartas i leith Seansaighdiúirí

Leanfaidh an Eagraíocht Chosanta ar aghaidh ag tiomnú ama agus acmhainní do struchtúir chomhpháirtíochta. I measc na dtairbhí tá comhthuisctint níos fearr ar ghnó na cosanta agus ar conas is féidir é sin a chur ar aghaidh, cumarsáid inmheánach agus sheachtrach fheabhsaithe, forbairt pleanála agus cur i bhfeidhm um sheirbhís do chustaiméirí, pleanáil chomhshaoil níos fearr, agus cruthú fóram inar féidir teacht ar réitigh ar ábhair inní.

Tr Scim Ritigh agus Eadrna (R&E) glaigh na hireann, a bheidh faoi rir athbhreithnithe, cuirtear rimse fram ar fil don lucht bainistochta cosanta chun pl a dhanamh ar thionchar chur i bhfeidhm an Riteas Straitise seo le Cumann Ionadaochta glaigh na hireann (RACO agus PDFORRA), laistigh de raon feidhme na hionadaochta. Cé nach bhfuil siad faoi choimirce Scéim fhoirmiúil R&E, rinneadh soláthar d'ionadaíocht le haghaidh chomhaltaí na n-Óglach Cúlta, ag RDFRA. Déanann an Roinn idirghníomhú freisin le Cumann Altraí agus Ban Cabhrach na hÉireann a dhéanann ionadaíocht ar bhaill de Sheirbhís Altranais an Airm.

Sa Pháipéar Bán ar Chosaint 2015 tugtar aitheantas don tseirbhís phoiblí luachmhar a thug iarshaighdiúirí mná agus fir de chuid Óglaigh na hÉireann. Chuige sin, aithníodh raon tionscnamh chun feabhas a chur ar na tacaí a bhíonn ar fáil d'iarshaighdiúirí.

Saincheisteanna Cearta Daonna agus Comhionannais

Ag féachaint chuig alt 42(2) den Acht fá Choimisiún na hÉireann um Chearta an Duine agus Chomhionannas 2014, tógadh san áireamh, agus an Ráiteas Straitéise seo á ullmhú, na saincheisteanna maidir le cearta daonna agus comhionannas atá ábhartha do chomhlíonadh fheidhmeanna na Roinne Cosanta.

Cé nach comhlacht poiblí iad Óglaigh na hÉireann chun críocha an Achta, tá ról lárnach ag an Roinn Cosanta i gceapadh beartais maidir le hÓglaigh na hÉireann, agus i maoirseacht ar a chur i bhfeidhm. Sa Pháipéar Bán leantar ar aghaidh le forbairt an chlár oibre sin. Glactar an cur chuige i dtreo saincheisteanna maidir le cearta daonna agus comhionannas trí mheán roinnt tionscnamh. Áirítear leo siúd Straitéis Éagsúlachta agus Cuimsithe a fhorbairt d'Óglaigh na hÉireann, Beartas Comhionannais, agus roinnt tionscnamh nua a cuireadh i bhfeidhm le déanaí agus é mar aidhm méadú a dhéanamh ar rannpháirtíocht ag mná in Óglaigh na hÉireann.

Tá bearta éagsúla i bhfeidhm freisin chun déanamh cinnte go mbíonn ceart ag gach duine aonair, idir daoine sibhialta agus míleata, chun dínite ina dtimpeallacht oibre agus i ngach gníomhaíocht a eascraíonn óna gcuid seirbhíse, agus tá forálacha i bhfeidhm freisin chun déileáil le gearáin inmheánacha agus le nochtadh faisnéise faoin Acht um Nochtadh Cosanta 2014.

SPRIOC ARDLEIBHÉIL

Soláthar do chosaint mhíleata an Stáit, cur le síocháin agus slándáil náisiúnta agus idirnáisiúnta agus gach ról eile arna shannadh ag an Rialtas a chomhlíonadh

An Beartas Cosanta

1. Comhairle thráthúil agus ábhartha beartais agus míleata a chur ar fáil
2. An Páipéar Bán ar Chosaint a chur i bhfeidhm
3. Ról a ghlacadh sa bheartas slándála agus cosanta idir an beartas náisiúnta agus idirnáisiúnta
4. Comhar leathan maidir le beartas a fheabhsú

Cinntiú gur féidir linn Beart a Dhéanamh de réir ár mBriathair

1. Cumais a fhorbairt agus a choimeád
2. Bainistíocht éifeachtúil agus nuálach acmhainní
3. Struchtúir bhainistíochta, an eagraíocht agus daoine a fhorbairt

Aschuir Oibriúcháin Óglaigh na hÉireann

1. Oibríochtaí a bhaint amach go rathúil

Cuspóirí

Cuspóirí agus Gníomhartha

Comhairle beartais agus míleata ábhartha a chur ar fáil go tráthúil

An Páipéar Bán ar Chosaint a chur i bhfeidhm

Ról a ghlacadh sa bheartas slándála agus cosanta idir an beartas náisiúnta agus idirnáisiúnta

Comhar leathan maidir le beartas a fheabhsú

- **Comhairle beartais agus míleata ábhartha a chur ar fáil go tráthúil don Aire**
 - Athbhreithniú leanúnach ar an timpeallacht chosanta agus slándála agus comhairle thráthúil agus ábhartha a chur ar fáil don Aire agus don Rialtas, lena n-áirítear comhairle i dtaobh slándála idirnáisiúnta, thacaíocht síochána agus forbairtí cosanta go ginearálta.
- **Freagairtí cuí a aithint ó thaobh aschuir chosanta a bhaint amach**
 - Déanamh cinnte go n-aithnítear agus go dtugtar faoi fhreagairtí cuí maidir le haschuir chosanta a bhaint amach chun déileáil le hathruithe ar an timpeallacht chosanta agus slándála.
- **Cuspóirí an Pháipéir Bháin a chur chun cinn, lena n-áirítear tionscadail sonracha a aithníodh**
 - Athbhreithniú a dhéanamh ar dhul chun cinn maidir le cur i bhfeidhm an nuashonrú ar an bPáipéar Bán a gcuirfear tús leis i mí Iúil 2018.
- **Tabhairt faoi bhearta chun tacú le slándáil Náisiúnta**
 - Leanúint ar aghaidh ag obair le Ranna agus Gníomhaireachtaí eile chun rioscaí slándála a mheas agus a bhainistiú.
- **Leasanna straitéiseacha agus luachanna na hÉireann a chur chun cinn i bhfóraim idirnáisiúnta**
 - I gcomhthéacs slándáil a fheabhsú, oibriú chun an leas náisiúnta a chur chun cinn agus leanúint ar aghaidh ag glacadh ról i mbeartas síochána agus cosanta a fhorbairt i bhfóraim idirnáisiúnta, i dteannta leis an Roinn Gnóthaí Eachtracha agus Trádála, go háirithe maidir leis na NA, Comhbheartas Slándála agus Cosanta an AE agus NATO/PfP.
- **Measúnú leanúnach ar ról na hÉireann in oibríochtaí idirnáisiúnta thacaíocht síochána agus in oibríochtaí bainistíochta géarchéime**
- **An Institiúid um Thacaíocht Síochána agus Oiliúint Cheannaireachta**
 - De réir an Pháipéir Bháin agus an Chláir um Rialtas Comhpháirtíochta, forbairt Institiúide nua um Thacaíocht Síochána agus Oiliúint Cheannaireachta a chur chun cinn.
- **Tacú le Tascfhórsa an Rialtais ar Phleanáil Éigeandála**
 - Leanúint ar aghaidh ag cur ar fáil na dtacaí ábhartha don Aire Cosanta ina cháil mar Chathaoirleach Thascfhórsa an Rialtais ar Phleanáil Éigeandála.
 - I gcomhairle agus i gcomhar le Ranna eile agus le húdaráis phoiblí lárnacha eile, cuirfidh OPÉ i bhfeidhm Bainistíocht Straitéiseach Éigeandála: Struchtúir agus Creat Náisiúnta a d'fhaomh an Rialtas i mí Iúil 2017.
- **Sineirgí a fhorbairt le ranna agus gníomhaireachtaí eile, lena n-áirítear MTanna agus CLSanna**
 - Leanfaidh an Roinn ar aghaidh ag cur Meabhráin Tuisceana (MTanna) agus Comhaontuithe Leibhéal Seirbhíse ar bhonn foirmiúil agus ag déanamh maoirseacht ar a solathar.
- **Cosaint Shibhialta a Fhorbairt**
 - Leanúint ar aghaidh ag tabhairt tacaíochta do Chosaint Shibhialta agus ag déanamh forbartha uirthi ar bhonn a cuspóra straitéisigh lárnaigh mar atá tacaíocht a thabhairt do na Príomhghníomhaireachtaí Freagartha (PFanna) i staideanna éagsúla éigeandála agus neamhéigeandála.
 - Dul chun cinn a dhéanamh ar obair na foirne treorach idirghníomhaireachta chun déanamh cinnte go bhforbraítear seirbhísí agus cumais Cosanta Sibhialta de réir riachtanais na PFanna.

CINNTIÚ GUR FÉIDIR LINN BEART A DHÉANAMH DE RÉIR ÁR MBRIATHAIR

Cuspóirí agus Gníomhartha

Cuspóirí

Cumais a fhorbairt agus a choimeád

Bainistíocht éifeachtúil agus nuálach acmhainní

Struchtúir bhainistíochta, an eagraíocht agus daoine a fhorbairt

- **Cumais a fhorbairt agus a choimeád chun róil sannta a chomhlíonadh sa bhaile agus thar lear**
 - Bearta um forbairt cumas a ghlacadh, a dhéanfar a chomhdhlúthú i ndeireadh na dála i bPlean Forbartha Cumas ina dtagrófar don dea-chleachtas idirnáisiúnta, ina gcuimseofar forbairt chomhtháite teagaisc, pleanáil acmhainní daonna, leasú rialála, soláthar trealaimh, forbairt bonneagair, struchtúir eagraíochta, lena n-áirítear ceannas agus rialú ardleibhéil, forbairt oiliúna agus oideachais.
 - Níos mó béime a leagan ar nuáil agus ar rannpháirtíocht i measúnú seachtrach, ar aon dul leis an bPáipéar Bán.
- **Cloí le caighdeáin rialachais na hearnála poiblí**
 - Déanamh cinnte go bhfuiltear ag cloí le ceanglais um bainistíocht airgeadais, iniúchadh, dearbhú, measúnú riosca, soláthar agus ceanglais eile, lena n-áirítear an Cód Caiteachais Phoiblí, Nósanna Imeachta Airgeadais Poiblí agus caighdeáin rialachais.
- **Tús a chur le staidéar ar mhaoiniú Cosanta**
 - Staidéar sonrach a dhéanamh, chun na costais fhadtéarmacha a bhaineann le riachtanais chosanta na hÉireann a oibriú amach, ar bhealach nua agus in am don nuashonrú nua ar an bPáipéar Bán i 2018.
- **Líon foirne Óglaigh na hÉireann mar atá faofa ag an Rialtas a choimeád agus tacaíocht a thabhairt d'Iarshaighdiúirí**
 - Buan-Óglaigh (PDF) a choimeád ina mbeadh 9,500 ball foirne seirbhéala ar a laghad.
 - Cúltaca Airm agus Cúltaca Seirbhíse a fhorbairt ag a mbeadh líon foirne de 4,169 acu i dteannta a chéile.
 - Tacaí a fhorbairt do bhaill foirne agus d'iarshaighdiúirí reatha.
- **Straitéisí agus a athbhreithniú agus a fhorbairt**
 - Déanfar athbhreithniú agus tuilleadh forbartha ar straitéisí AD chun déanamh cinnte go dtarraingeoidh agus go gcoimeádfaidh Óglaigh na hÉireann baill foirne i gcomhréir le riachtanais AD. Leanfaidh an Eagraíocht ar aghaidh ag obair i ndlúthpháirt leis an GCoimisiún ar Phá na Seirbhíse Poiblí.
 - Straitéisí agus a ullmhú agus a fhoilsiú don Roinn Cosanta a chlúdaíonn an tréimhse ó 2017-2019.
 - Bearta a athbhreithniú agus a fhorbairt chun déanamh cinnte go nglactar cur chuige straitéiseach i dtreo earcú, fhostú agus choimeád Fostaithe Sibhialta de réir riachtanas fadtéarmach.
- **Gach gealtanas a chomhlíonadh a ascaíonn ó thionscnaimh um leasú na hearnála poiblí**
 - Gach gníomh a chur i bhfeidhm a eascaíonn ón bPlean um Athnuachan na Státseirbhíse agus ó phlean ar bith ar leibhéal iomlán na seirbhíse poiblí.
 - An Creat Comhtháite Inniúlachta de chuid Óglaigh na hÉireann a chur i bhfeidhm i ngach rang.
 - Leanúint ar aghaidh ag úsáid agus ag tacú le tionscnaimh seirbhíse roinnte lena n-áirítear an próiseas chun Seirbhíse Comhroinnte Airgeadais a fhorbairt agus a chur i bhfeidhm.

Oibríochtaí a bhaint amach go rathúil

- Cumais Óglaigh na hÉireann a chur i bhfeidhm chun tacaí slándála intíre a sholáthar de réir treorach ón Rialtas agus mar fhreagra ar iarratais fhaofa um Chúnamh don Chumhacht Shibhialta ón nGarda Síochána.
- Cumais Óglaigh na hÉireann a chur i bhfeidhm in oibríochtaí ilnáisiúnta um thacaíocht síochána, bainistíocht géarchéime agus faoiseamh daonnúil de réir threoir an Rialtais agus forálacha reachtúla.
- Cumais Óglaigh na hÉireann a chur i bhfeidhm ar oibríochta faofa um Chúnamh don Chumhacht Shibhialta mar fhreagra ar mhóréigeandálaí, lena n-áirítear imeachtaí aimsire cruá.
- I gcomhréir le spriocanna i Meabhráin Tuisceana agus i gComhaontuithe Leibhéal Seirbhíse, seirbhís cosanta iascaigh a chur ar fáil chomh maith le raon de thacaí leanúnacha do ranna agus ghníomhaireachtaí rialtais eile a bhfuil ina measc seirbhísí cuardaigh agus tarrhála agus aerárthach othar.
- Oibríochtaí a dhéanamh i réimse mar sheirbhís aeríompair Aire a chur ar fáil agus seirbhísí searmanais thar ceann an Rialtais.

Gealltanais ag eascairt ón gClár um Rialtas Comhpháirtíochta (CrC) 2016

a) Gealltanais faoi cheannas na Roinne Cosanta

Cur síos ar an nGealltanais CrC

Tabharfaimid isteach scéim phiólótach um thacaíocht fostaíochta i 2016, trína gcuirfear scileanna agus oiliúint a shamhlaítear le hÓglaigh na hÉireann ar fáil do 30-40 rannpháirtí.

Leibhéal méadaithe de rannpháirtíocht ban in Óglaigh na hÉireann, agus é mar aidhm an ráta rannpháirtíochta a dhúbailt ón 6% mar atá ann faoi láthair go 12% sna 5 bliana amach romhainn.

Scrúdóidh an Oifig Pleanála Éigeandála an cheist an féidir Aonad Mearfhreagartha a bhunú, a mbeadh an Roinn Comhshaoil, a d'fhéadfaí a imscaradh nuair ba ghá, chun comhordú a dhéanamh ar thairiscintí cabhrach agus cúnamh, dóibh siúd a mbeadh i gcrúachas tar éis imeacht aimsire crua.

An Páipéar Bán ar Chosaint a chur i bhfeidhm.

Soláthar a dhéanamh d'aistriú ó chabhlachán ocht go naoi loinge, infheistíocht in iompróirí armúrtha pearsanta, feithiclí loighistice, nuachóirí dúnta agus Dún Chostúim Baile Átha Luain san áireamh, athsholáthar aerárthaí mar is gá agus soláthar a dhéanamh d'fheabhsúcháin ar Aeradróm Mhic Easmuinn, Baile Dhónaill.

Déanamh cinnte go bhfuil 9,500 ball foirne ar a laghad in Óglaigh na hÉireann chomh maith le cúlta ina bhfuil líon iomlán foirne.

Tacaíocht a thabhairt dár n-iarshaighdiúirí mar gheall ar an tseirbhís phoiblí agus a gcuid iarrachtaí den chéad scoth thar ceann an Stáit.

Déanamh cinnte go ndéantar líon foirne, bonn scileanna agus ról na n-Óglach Cúlta chomh mór agus is féidir agus díriú ar rannpháirtíocht iomlán an RDF ag 4,000 ball foirne.

Tús áite a thabhairt don ghá le déileáil leis an mbearna ó thaobh rannpháirtíocht ban in Óglaigh na hÉireann.

Tacaíocht a thabhairt do Chosaint Shibhialta agus í a fhorbairt, an reachtaíocht a rialaíonn a ról a thabhairt suas le dáta, agus foireann chomhordaithe um threoir idirghníomhaireachta a bhunú chun déileáil le saincheisteanna móra ó thaobh bhainistíocht éigeandála.

Institiúid nua um Thacaíocht Síochána agus Oiliúint Cheannaireachta a fhorbairt sa Churrach.

Comhpháirtíochtaí a spreagadh idir Óglaigh na hÉireann agus an earnáil phríobháideach agus é mar aidhm taighde, nuáil agus forbairt fiontraíochta a mhéadú.

Bonn 1916 a bhronnadh ar gach ball de na Buan-Óglaigh atá i mbun seirbhíse i 2016 agus ar bhaill seirbheála de na hÓglaigh Chúltaca i 2016 mar chuid de choincheap an fhórsa aonair.

Oibreoidimid le Feidhmeannacht Thuaisceart Éireann chun aontú ar phlean maoinithe do thionscnamh Atlantic Youth Trust, arb é a bheidh i gceist leis ná ártach nua um oiliúint seoltóireachta chun go mbeifear in ann forbairt, meantóireacht agus oiliúint daoine óga a dhéanamh ar fud an oileáin.

(b) Gealltanais arna sannadh do Ranna eile a bhfuil ról ag a Roinn Cosanta iontu

Cur síos ar an nGealltanais CrC	Treoir-Roinn
Tá an Rialtas nua tiomnaithe chun an tSeirbhís Éigeandála Aerleighis (aerárthach othair) a mhéadú agus chun leathnú féideartha na seirbhíse sin chuig an oíche. Déanfar staidéar indéantachta chun féachaint ar conas a d'fhéadfai é sin a bhaint amach, cé a d'fhéadfadh í a chur ar fáil agus ar an gcostas féideartha. Cuimseoidh sé sin smaoineamh ar dara bunáit.	An Roinn Sláinte.
Athbhreithniú struchtúrach lárnach a dhéanamh ar shocruithe cinnteoireachta ar fud réimsí coitianta na slándála agus na cosanta.	An Roinn Dlí agus Cirt agus Comhionannais.